



0Broj: T18 0 KT 0018368 25
Brčko, 25.06.2025. godine

Optužnica potvrđena dana 02.07.2025.godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

- 1.) S. G.,** rođen 1996. godine u Wittmund- R. Njemačka,
- 2.) E. Ć.,** rođena 1996. godine u Brčkom,
- 3.) A. O.,** rođena 1989. godine u Brčkom,

Što su:

S.G., sam

Tačka 1.

Dana 22.02.2025. godine, oko 17 časova, u objektu d.o.o. „Deichman“, u ulici ..., Brčko distrikt BiH, u namjeri pribavljanja protivpravne imovinske koristi male vrijednosti, svjestan da oduzima tuđu stvar, oduzeo i prisvojio sa prodajne police jedne muške patike marke Nike broj 42, vrijednosti 159.90 KM, koje je zajedno sa kutijom stavio u ruksak i izašao iz radnje, u čemu je dalje bio spriječen od strane policijskog službenika Policije Brčko distrikta BiH,

dakle, tuđu pokretnu stvar male vrijednosti oduzeo drugome s ciljem da njenim prisvajanjem sebi pribavi protivpravnu imovinsku korist,

S. G., E. Ć., A. O., zajedno

Tačka 2.

Dana 28.02.2025. godine u Brčkom, oko 15 časova, u ulici ..., zajedno i u dogovoru, u namjeri pribavljanja protivpravne imovinske koristi, svjesni da oduzimaju tuđu stvar, što su i htjeli, došli do TC „Brčko City Park“, te iz objekta „Tropic“, sa polica oduzeli 5 boca

alkoholnog pića whisky, od kojih su tri boce „Black Label“ i dvije boce „Jack Daniels“, zatim dva paketa sa po 4 limenke energetskog pića „Red Bull“ i prehrambene i higijenske proizvode u vidu pršuta, čipsa, paste za zube, kafe, tegle krastavaca, paštete, vegete, čokolade, nutele, maslaca, gulaša, šunke određenih robnih marki, sve u iznosu od 858,24 KM, na način da su proizvode stavljali u korpu, a potom u ruksak nakon čega su napustili objekat a navedenu robu nisu platitli, čime su za sebe pribavili protivpravnu imovinsku korist u vrijednosti oduzetih stvari, dok su prodajni objekat „Tropic“ oštetili za navedeni iznos,

dakle, kao saizvršioци tuđu pokretnu stvar oduzeli drugome s ciljem da njenim prisvajanjem sebi pribave protivpravnu imovinsku korist,

čime su: pod tačkom 1. S.G. učinio krivično djelo Krađa iz člana 280 stav (2) Krivičnog zakona Brčko distrikta BiH, dok su pod tačkom 2. S. G., E. Č., A. O. učinili krivično djelo – Krađa – iz člana 280 stav (1) u vezi sa članom 31 Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
